

Na osnovu člana 32. Zakona o javnim nabavkama Bosne i Hercegovine („Službeni glasnik BiH“, broj: 39/14), a nakon provedenog otvorenog postupka za izbor dobavljača roba *Lot 2. HTZ Oprema za sjekače*, za potrebe KJP „Sarajevo-šume“ d.o.o. Sarajevo u 2019. godini, dana 27.06.2019. godine u Sarajevu zaključen je

OKVIRNI SPORAZUM

između:

KJP „Sarajevo-šume“ d.o.o. Sarajevo, ul. Maršala Tita 7/II (u daljem tekstu: **Ugovorni organ**), koga zastupa Vršilac dužnosti Direktora Preduzeća **Joldo Amir, dipl. ecc.**

i
„SALTEKS“ d.o.o. Sarajevo - Društvo sa ograničenom odgovornošću za proizvodnju, unutrašnju i spoljnu trgovinu i usluge, sa sjedištem u Sarajevu, ul. Nahorevska br.106, registrovano kod Općinskog suda u Sarajevu, Rješenje o upisu promjena podataka o subjektu upisa u sudski registar: UF/I-3032/00 od 11.01.2001. godine; identifikacioni broj: 4200506750001; PDV broj: 200506750001 (u daljem tekstu: **Ponuđač**) koga zastupa **Salčin Izudin, direktor.** (u daljem tekstu : **Ugovorne strane**).

Član 1.

U skladu sa ovim Okvirnim sporazumom Ugovorne strane će tokom cijelog ugovornog perioda, zaključivati pojedinačne ugovore o predmetu javne nabavke za koji je proveden otvoreni postupak za izbor dobavljača roba za potrebe KJP „Sarajevo-šume“ d.o.o. Sarajevo u 2019 godini, i to :

Lot 2. HTZ Oprema za sjekače

prema Obrascu za cijenu ponude, koji je dostavljen u ponudi Ponuđača protoklisanoj kod Ugovornog organa pod brojem: 0103-228-8/19 od 24.04.2019.godine, a koji su prilog ovog Okvirnog sporazuma i čine njegov sastavni dio.

Nabavka i sukcesivna isporuka roba iz prethodnog stava vršit će se do iznosa od **51.157,80 KM (slovima: pedesetjedahiljadastopedesetsedam KM i 80/100)**, bez uračunatog PDV-a, a što će zavisiti od potreba Ugovornog organa.

Član 2.

Okvirni sporazum se zaključuje na osnovu Zapisnika sa otvaranja ponuda za javnu nabavku roba, broj: 0103-228-12/19 od 24.04.2019. godine, Zapisnika o pregledu i ocjeni ponuda, broj: 0103-228-14/19 od 07.05.2019. godine, Odluke Nadzornog odbora ugovornog organa, broj: 0102-228-4/19 od 30.01.2019. godine i pravosnažne Odluke o izboru najpovoljnijeg ponuđača, broj: 0103-228-18/19 od 14.05.2019.godine.

Član 3.

Za period naveden u članu 1. Ugovorni organ će, u skladu sa članom 32. stav (2) Zakona o javnim nabavkama Bosne i Hercegovine, tokom cijelog ugovornog perioda zaključivati ugovore sa ponuđačem bez primjene postupaka utvrđenih u Zakonu o javnim nabavkama Bosne i Hercegovine, odnosno na predmetne nabavke neće se primjenjivati odredbe propisa kojim se uređuje postupak javne nabavke.

Član 4.

Na osnovu ovog Okvirnog sporazuma Ugovorne strane će zaključiti pojedinačne ugovore kojim će bliže regulisati prava i obaveze za realizaciju ovog Okvirnog sporazuma odnosno nabavku HTZ opreme za sjekače, čija finansijska vrijednost odnosno period trajanja maksimalno može biti do iznosa i perioda utvrđenog u članu 1. ovog Okvirnog sporazuma, a što će zavisiti od potreba i interesa Ugovornog organa.

Pojedinačne nabavke odnosno ugovori obavezno će se zaključivati pod uslovima utvrđenim u tenderskoj dokumentaciji odnosno prema ponudi ponuđača protokolisanoj kod Ugovornog organa pod brojem: 0103-228-8/19 od 24.04.2019.godine, odnosno u skladu sa odredbama Zakona o javnim nabavkama Bosne i Hercegovine i Zakona o obligacionim odnosima FBiH.

Član 5.

Ponuđač se obavezuje da će po specifikaciji Ugovornog organa datoj u narudžbenici vršiti sukcesivnu isporuku roba iz člana 1. ovog Okvirnog sporazuma fcco Centralni magacin Hadžići, u roku od 1 (jednog) dana od dana dostavljanja narudžbenice Ugovornog organa, a prema potrebama Ugovornog organa.

Član 6.

U slučaju kašnjenja u isporuci roba, do kojeg je došlo krivicom Ponuđača, isti se obavezuje da će platiti ugovornu kaznu u skladu sa Zakonom o obligacionim odnosima u iznosu od 1 % naručiocu roba (vrijednosti ugovorenih roba) za svaki dan kašnjenja do uredne isporuke, s tim da uskupan iznost ugovorne kazne ne

može prijeći 10% od ukupne ugovorene vrijednosti roba koje su predmet narudžbe. Ponuđač je dužan platiti ugovornu kaznu u roku od 7 dana od dana primanja zahtjeva za plaćanje od strane Ugovornog organa.

Član 7.

Ponuđač se obavezuje da će isporuku robe vršiti na osnovu propisano popunjene narudžbenice i to ovlaštenim licima Ugovornog organa koja će preuzimati svaku pojedinačnu isporuku robe i tom prilikom potpisati otpremnicu o vrsti i količini isporučene robe.

Član 8.

Ponuđač garantuje da će isporučivati kvalitetnu robu iz člana 1. ovog Ugovora, odnosno da su iste u skladu sa standardima kvalitete i specifikacijama u Ponudi Prodavca broj: 0103-228-8/19 od 24.04.2019.godine.

Količine i kvalitet robe iz člana 1. ovog Ugovora, a u skladu sa prethodnim stavom kontrolisat će Komisija formirana od strane Kupca. Nakon što Komisija konstatuje da su količine i kvalitet zadovoljavajući izvršit će se primopredaja robe koja je predmet ovog Ugovora, o čemu će se sačiniti Zapisnik, koji će potpisati Komisija Kupca i predstavnik Prodavca.

U slučaju da Komisija iz stava 2. ovog člana konstatuje eventualne nedostatke, Prodavac se obavezuje da će iste otkloniti odmah zamjenom robe čiji je kvalitet zadovoljavajući.

Član 9.

Ponuđač se obavezuje da će u roku od 15 (petnaest) dana od dana zaključenja ovog Okvirnog sporazuma obezbijediti bezuslovnu bankarsku garanciju poslovne banke za dobro izvršenje posla u visini od 10% od ugovorene vrijednosti javne nabavke bez uračunatog PDV-a koja će poslužiti za pokrivanje svake štete i troškova koje Ugovorni organ može imati ukoliko ponuđač prekrši sporazum o nabavci od potpisivanja do njegovog ispunjenja u cijelosti.

Pokriće iz bankarske garancije ne oslobađa Ponuđača odgovornosti od namirenja eventualne potpune štete po odredbama Zakona o obligacionim odnosima ukoliko je visina eventualne štete veća od iznosa koji se može dobiti po osnovu garancije.

Član 10.

Ugovorni organ se obavezuje da Ponuđaču za isporučene robe navedene u članu 1. ovog Okvirnog sporazuma u skladu sa ispostavljenom narudžbenicom plati novčanu naknadu u skladu sa jediničnim cijenama koje su dostavljene u ponudi Ponuđača i koje su utvrđene u članu 1. ovog Okvirnog sporazuma.

Član 11.

Ugovorni organ se obavezuje da će isporučenu i primljenu robu plaćati na osnovu ispostavljene fakture od strane Ponuđača i to u roku od 60 (šezdeset) dana od dana ispostavljanja fakture po svakoj pojedinačnoj isporuci, uplatom na sljedeći transakcijski račun, broj: 3389002208856365 otvoren kod Unicredit banke.

Član 12.

Za realizaciju ovog Okvirnog sporazuma u ime Ugovornog organa zadužuje se Izvršni direktor Oblasti za šumarstvo.

Član 13.

Za praćenje realizacije ovog Okvirnog sporazuma u ime Ugovornog organa zadužuje se Služba za marketing i komercijalne poslove.

Član 14.

Okvirni sporazum primjenjuje se zbog postojanja okolnosti utvrđenih u članu 32. tačka 3. Zakona o javnim nabavkama Bosne i Hercegovine.

Član 15.

Odredbe ovog Okvirnog sporazuma ne mogu se mijenjati nakon njegovog zaključenja.

Član 16.

Ponuđač u svrhu izvršenja ovog Okvirnog sporazuma nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Ugovornog organa, najmanje 6 (šest) mjeseci po zaključenju Okvirnog sporazuma, odnosno od početka realizacije Okvirnog sporazuma.

Član 17.

Ovaj Okvirni sporazum stupa na snagu danom potpisivanja od strane obje Ugovorne strane i traje do 31.12.2019. godine.

Član 18.

Na sve što nije regulisano ovim Okvirnim sporazumom primjenjuju se odredbe Zakona o obligacionim odnosima F BiH.

Član 19.

Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

Član 20.

Ovaj Okvirni sporazum je sačinjen u 7 (sedam) istovjetnih primjeraka od kojih 5 (pet) zadržava Ugovorni organ, a 2 (dva) primjerka Ponuđač za svoje potrebe.


Za Ponuđača
Direktor

Salčin Izudin

Za Ugovorni organ
Šilac dužnosti Direktora

Ildo Amir, dipl. ecc.
Izvršni direktor Oblasti za šumarstvo

Proha Adnan, dipl. ing. šum.



Izvršni direktor Oblasti za opšte poslove


Kečo Hidajeta, dipl. ecc.

Broj: 0103/7/19
Datum: 10.07.2019. godine

Broj: 0103-228-24/19
Datum: 27.06.2019. godine